

ԵՊՀ Իջևանի մասնաճյուղի բնական գիտությունների ֆակուլտետի խորհրդի նիստի
14 մարտի 2014թ.

Նախագահ՝ Մ. Զաքարյան

Քարտուղար՝ Հ. Գասպարյան

Ներկա էին խորհրդի 8 անդամներ: Նիստին մասնակցում էր նաև ֆակուլտետի
դասախոսական անձնակազմը և աշխատակիցներ:

ՕՐԱԿԱՐԳ

1. Դեկանի հաշվետվություն:

/զեկ. Ա. Վ. Ցուցուլյան/

**2. 2013-14թթ. ուստարվա ամփոփիչ ավարտական քննությունների և
ավարտական աշխատանքների նախապատրաստություն:**

/զեկ. Ա. Վ. Ցուցուլյան/

ԼՍԵՑԻՆ- Ֆակուլտետի խորհրդի նիստը բացեց և օրակարգը ներկայացրեց
«Բարձրագույն մաթեմատիկայի և ինֆորմատիկայի» ամբիոնի վարիչ Մ. Ա.
Զաքարյանը:

Օրակարգը հաստատելուց հետո նիստի մասնակիցները անցան
օրակարգի հարցերի քննարկմանը:

Նիստը վարում էր Մ. Ա. Զաքարյանը:

Օրակարգի առաջին հարցի մասին հանդես եկավ Ա. Վ. Ցուցուլյանը: Նա
ներկայացրեց հաշվետվություն 2013-14թթ. ուստարվա I կիսամյակում
իրականացված աշխատանքների մասին: Համաձայն տնօրինության կողմից
հաստատված ուսումնական գործընթացի ժամանակացույցի իրականացվել են
սահմանված բոլոր աշխատանքները: Ժամանակին կազմակերպվել և անց են
կացվել I և II ընթացիկ ստուգումները, քննությունները, ստուգարքային
շրջանը և քննաշրջանը: Ուսման վճարների մուծման պարտք չի գրանցվել:

Ուսումնական պարապմունքները իրականացվել են ըստ ուսումնական պլանի: Ֆակուլտետում կրճատվել են անհարգելի բացակայությունները, հեռացման ենթակա ուսանող չի եղել:

Նորացվել են ֆակուլտետում գործող լաբորատորիաները: Ստեղծվել է նաև թ.2 համակարգչային մասնագիտական լաբորատորիա:

Քննաշրջանի արդյունքներով ֆակուլտետում կան „4,, անբավարար առաջադիմություն ունեցող ուսանող /ԻԿՄ I և ԿՄՖ II կուրս/, որոնք մեկ առարկայից ունեն կրեդիտի պարտք, տրվել է լրացուցիչ ժամանակ վերահանձնելու համար:

Այնուհետև զեկուցող Ա. Վ. Յուցուլյանը իր գոհունակությունը հայտնեց ֆակուլտետի դասախոսական անձնակազմի և աշխատակիցների մասին, որոնք նվիրումով են կատարում իրենց աշխատանքային պարտականությունները: Ուսումնական պրոցեսի հետ կապված աշխատանքների կատարումը և վերահսկողությունը իրականացվել է ֆակուլտետի դեկանատի և ամբիոնների համատեղ աշխատանքի շնորհիվ:

ԱՐՏԱՀԱՅՏՎԵՑԻՆ- Մ. Ա. Զաքարյանը, Ա. Զ. Ալավերդյանը, Է. Կ. Օսիպովան, Գ. Վ. Գուլակյանը: Նրանք համակարծիք էին ներկայացված նյութին և առաջարկեցին դեկանի և դեկանատի կատարած աշխատանքները գնահատել լավ:

ՈՐՈՇԵՑԻՆ- Դեկանի և դեկանատի կատարած աշխատանքները գնահատել լավ:

Օրակարգի երկրորդ հարցի մասին ֆակուլտետի խորհրդի նախագահ Ա. Վ. Յուցուլյանը ներկայացրեց ամփոփիչ ավարտական քննությունների նախապատրաստման և ավարտական աշխատանքների կատարման ընթացքը:

Այդ ուղղությամբ կազմակերպվում են ակնարկային դասախոսություններ:

Նա հանձնարարեց ամբիոններին արագացնել ամփոփիչ ավարտական քննությունների և ավարտական աշխատանքների կատարման ընթացքի նախապատրաստական աշխատանքները և ներկայացնել նախապաշտպանության:

ԱՐՏԱՀԱՅՏՎԵՑԻՆ- Մ. Ա. Զաքարյանը, Ա. Զ. Ալավերդյանը: Նրանք ընդգծեցին, որ ավարտական աշխատանքների կատարումն ընթացքի մեջ է:

ՈՐՈՇԵՑԻՆ-1. Հանձնարարել ամբիոններին ներկայացնել ավարտել ավարտական աշխատանքների կատարումը և ներկայացնել նախապաշտպանության:

2.Հանձնարարել դեկանատին վերահսկել հանձնարարականի կատարման ընթացքը:

3. Հանձնարարել ամբիոններին 28.03.2014թ. կազմակերպել ավարտական աշխատանքների նախապաշտպանությունը:

**ՆԱԽԱԳԱՀ
ՔԱՐՏՈՒՂԱՐ**

**Ա. Վ. ՑՈՒՑՈՒԼՅԱՆ
Հ. Ս. ԳԱՍՊԱՐՅԱՆ**